

МАКТАBLARDA “TARBIYA” FANI O‘QITISHDA INNOVATSION YONDASHUVLAR NAZARIYASI VA AMALIYOTI

Atakov Ibrat,

Toshkent amaliy fanlar universiteti Pedagogika kafedrasi o‘qituvchisi

<https://doi.org/10.53885/edinres.2024.03.1.025>

Annotatsiya. Maqolada maktablarda 5-6-sinflarda tarbiya fanini o‘qitishda o‘qituvchilarning darslarda pedagogik texnologiya, interfaol metodlar va ta’limiy o‘yinlardan, zamonaviy axborot-kommunikatsiya texnologiyalaridan foydalanish o‘quvchilarni mustaqil fikrlashga, ijodiy izlanish va mantiqiy fikrlash doiralarini kengaytirish bilan birga ularni darslarda o‘rganganlarini hayot bilan bog‘lashga, qiziqishlarini oshirishga yordam beradigan fikrlar bayon qilingan.

Kalitso ‘zlar: interfaolusullar; texnikaviy, axborotli, audiovizuallifaol fuqarolik pozitsiyasi, mas’uliyat, majburiyat, huquqiy ong va madaniyat, teran dunyoqarash, sog‘lom e’tiqodlilik, ma’rifatparvarlik, bag‘rikenglik, ma’naviy, g‘oyaviy, nafosat tarbiyasi.

THEORY AND PRACTICE OF INNOVATIVE APPROACHES TO TEACHING»EDUCATION» IN SCHOOLS

Atakov Ibrat,

Toshkent amaliy fanlar universiteti Pedagogika kafedrasi o‘qituvchisi

Abstract. In this article, the use of pedagogical technology in the classroom, interactive methods and educational games school, the use of modern information and communication technologies in teaching elementary education in primary school helps students to think independently, creative research and logical thinking. along with the expansion, ideas are articulated that help them relate what they learn in the lessons to life, increasing their interest.

Keywords: technical, informational, audiovisual active civic position, responsibility, obligation, legal consciousness and culture, deep outlook, healthy beliefs, enlightenment, tolerance, spiritual, ideological, delicate upbringing.

ТЕОРИЯ И ПРАКТИКА ИННОВАЦИОННЫХ ПОДХОДОВ К ПРЕПОДАВАНИЮ «ОБРАЗОВАНИЯ» В ШКОЛАХ

Atakov Ibrat,

Toshkent amaliy fanlar universiteti Pedagogika kafedrasi o‘qituvchisi

Аннотация. В статье использование педагогами педагогических технологий, интерактивных методов и образовательных игр, современных информационно-коммуникационных технологий при преподавании педагогической науки в школах 5 и 6 классов позволяет учащимся мыслить самостоятельно, расширяя при этом сферу творческих исследований. и логическое мышление, представлены идеи, которые помогут им связать изученное на занятиях с жизнью и повысить интерес.

Ключевые слова: интерактивные методы, техническая, информационная, аудиовизуальная активная гражданская позиция, ответственность, обязанность, правосознание и культура, глубокое мировоззрение, здоровая вера, просвещение, толерантность, духовное, идеологическое, углубленное образование.

“Tarbiya” fani O‘zbekiston Respublikasi Prezidentining tashabbusi bilan umumiyl o‘rta ta’lim muassasalarida 2020-2021-o‘quv yilidan boshlab joriy qilindi. Ushbu fan Uzluksiz ma’naviy tarbiya konsepsiyasining bir qismi sifatida o‘quvchilarda «Milliy tiklanishdan - milliy yuksalish sari» g‘oyasini singdirish, ularni ijtimoiy muvaffaqiyatli hayotga tayyorlash, faol fuqarolik pozitsiyasi, mas’uliyat, majburiyat, huquqiy ong va madaniyat, teran dunyoqarash, sog‘lom e’tiqodlilik, ma’rifatparvarlik, углубленное образование.

bag‘rikenglik kabi fazilatlarni shakllantirishni maqsad qilib qo‘yan. Inson jamiyatda farovon yashashi uchun u yaxshi ta’lim-tarbiya korgan bo‘lishi kerak. Zero, yurtboshimiz ham “Yoshlarimizning mustaqil fikrlaydigan, yuksak intellektual va ma’naviy salohiyatga ega bo’lib, dunyo miqyosida o’z tengdoshlariga hech qaysi sohada bo’sh kelmaydigan insonlar bo’lib kamol topishi, baxtli bo’lishi uchun davlatimiz va jamiyatimizning bor kuch va imkoniyatlarini safarbar etamiz”[1], deya ta’kidlaydilar.

Tarbiya fanini o‘qitishda didaktik o‘yinlardan, interfaol usullardan foydalanish ta’lim jarayonida o‘quvchilarni o‘qitish, tarbiyalash va kamol toptirishda muhim ahamiyat kasb etadi. Didaktika – ta’lim nazariyasi hisoblanadi. Didaktik o‘yinlar esa o‘quvchilarning ijodiy ish faoliyatini kuchaytiradi, ixtiyoriy diqqatini jamlashga yordam beradi, shuningdek xotirani takomillashtiradi. Didaktik o‘yin jarayonida o‘quvchilar o‘zlarini sezmagani holda juda ko‘p harakatlarni, mashqlarni bajaradilar, turli masalalarни yechadilar[4].

Tarbiya fanini o‘qitish metodikasini takomillashtirish quyidagilarni tashkil qiladi: Birinchidan, o‘qituvchilar o‘quvchilar bilan muhokama qilish va ulardan o‘quv usullarining samarali ishlayotganini o‘rganish orqali foydalanishlari tavsiya etiladi. O‘quvchilarning qanday o‘rganishganlarini bilish va ulardan ma’naviyatli foydalanishga intilish yordam beradi. Ikkinchidan, kompyuter texnologiyalari, internet va multimedia resurslaridan qoniqarli foydalanish, o‘quvchilarni interaktiv ta’lim jarayonida qatnashish va ularni yangi ma’lumotlarga o‘zlashtirishga imkoniyat yaratadi. Uchinchidan, o‘quvchilarning o‘z o‘zlarini o‘rganish va o‘qish usullarini boshqarishga imkon beruvchi mudhish-fan metodikasi ishlatish tavsiya etiladi. Bu, o‘quvchilarni o‘zlashtirish va o‘rganishga qo‘srimcha ta’sir qiladi. To‘rtinchidan, o‘quvchilarni amaliyotlar yaratishga va o‘quv materialini amaliyotlar orqali o‘rganishga rag‘batlantirish yordamida ta’limning ko‘proq interaktiv va amaliy usulga o‘tkazilishi taqdim etiladi. Beshinchidan, o‘quvchilar orasida jamoaviy va guruh ishlashni ta’lim jarayonida qo‘llash yordamida ularni bir-birlari bilan o‘z fikrlarini o‘zlashtirish va o‘rganishni oshirishga yordam beradi.

Zamonaviy o‘quv dasturlari va qo‘llanmalardan foydalanish, o‘quv materialini tartibga solish va o‘quvchilarning mustaqil o‘rganishiga qo‘srimcha yordam beradi. Takomillashtirilgan tarbiya fanini o‘qitish metodikasi o‘quvchilarni o‘z fikrlarini ifodalash, tahlil qilish, kreativ fikrlash va jamoaviy ishlashga rag‘batlantiradi. Bu esa ularni mustaqil, fikriy va jamiyatga foydali fuqarolar sifatida tayyorlashda muhim ahamiyatga ega[5].


Tarbiya – shaxsda muayyan jismoniy, aqliy, ruhiy, axloqiy va ma’naviy sifatlarni shakllantirishga qaratilgan pedagogik jarayondir. Insonning jamiyatda yashashi uchun zarur bo‘lgan xususiyatlarga ega bo‘lishini ta’minalash yo‘lida qo‘llaniladigan chora-tadbirlar majmuasi tarbiyani tashkil qiladi. Tarbiya insonning insonligini ta’minalaydigan eng qadimiy va abadiy qadriyatdir. Tarbiyasiz alohida odam ham, kishilik jamiyatni ham mavjud bo‘la olmaydi. Chunki odam va jamiyatning mavjudligini ta’minalaydigan qadriyatlar tarbiya tufayligina bir avloddan boshqa avlodga o‘tadi.

Pedagogik adabiyotlarda “tarbiya” atamasi keng va tor ma’nolarda qo‘llaniladi. Keng ma’noda tarbiya inson shaxsini shakllantirishga, uning jamiyat ishlab chiqarishi va ijtimoiy, madaniy, ma’rifiy hayotida faol ishtiroy etishini ta’minalashga qaratilgan barcha ta’sirlar, tadbirlar, harakatlar va intilishlar yig‘indisini anglatadi. Bunday tushunishda tarbiya faqat oila, maktab, bolalar va yoshlar tashkilotlarida olib boriladigan tarbiyaviy ishlarni emas, balki butun ijtimoiy tuzum, uning yetakchi g‘oyalari va san’atning barcha turlarini o‘z ichiga oladi. Shuningdek, keng ma’nodagi tarbiya tushunchasi ichiga ta’lim va ma’lumot ham kiradi. Tor ma’noda tarbiya shaxsning jismoniy rivoji, dunyoqarashi, ma’naviy-axloqiy qiyofasi va estetik didi o‘stirilishiga yo‘naltirilgan pedagogik faoliyatni anglatadi. Bunda oila va tarbiyaviy muassasalar hamda jamoat tashkilotlari tarbiya ishini amalga oshiradi.

Ta’lim va ma’lumot olish tor ma’nodagi tarbiya tushunchasi ichiga kirmaydi. Lekin har qanday tarbiya ta’lim bilan chambarchas bog‘liq holdagini mavjud bo‘ladi. Chunki, ta’lim va ma’lumot olish jarayonida shaxsning faqat bilimi ko‘payibgina qolmay, balki, axloqiy-ma’naviy sifatlari qaror topishi ham tezlashadi.


Tarbiya har qanday jamiyat va har qanday mamlakat hayotida hal qiluvchi ahamiyatga ega. Yosh avlodning, umuman, jamiyat a’zolarining tarbiyasi bilan yetarlicha shug‘ullanmagan mamlakat turg‘unlik

va inqirozga uchraydi. Negaki, o'sishi va rivojlanishi uchvun har qanday jamiyatda ham moddiy va ma'naviy boyliklar qatorida tarbiya ham rivojlanib boradi. Tarbiya nazariyasining umumiy xususiyatlari quyidagilar bilan belgilanadi:



Mazkur masalalar tarbiya nazariyasining negizi sifatida O'zbekistonda ta'sis etilgan yangi "Tarbiya" fani asoslarini tashkil etadi. Shu sababli jamiyatda tarbiyaning o'rni, ahamiyati va amaliyoti odamlar tomonidan yetarli darajada idrok etilmoqda. Mazkur masala bo'yicha bo'lajak boshlang'ich sinf o'qituvchilari nazariy bilim, kasbiy ko'nikma va amaliy kompetensiyalar bilan qurollanishi kerak.

"Tarbiya" fani amaldagi quyidagi fanlarni qo'shish hisobiga tashkil etildi:



Buning natijasida yangi fan shakllantirildi. Ushbu "Tarbiya" fanining metodologik asoslarini quyidagilar tashkil etadi:

- ta'lim-tarbiyaga oid me'yoriy hujjatlar;
- tarbiya asoslari va manbalari;
- tarbiya qonuniyatları, metodlari va texnologiyalari;
- tarbiyaning amaliy masalalari.

Mazkur fanni o‘zlashtirish va uni o‘qitishning metodikasini takomillashtirish zaruriyat quyidagilar bilan belgilanadi: fanning asoslarini chuqr bilish; fanni o‘qitishning ilg‘or va zamonaviy pedagogik, innovatsion hamda axborot texnologiyalarini egallah; tarbiya masalasiga doir ilmiy-tadqiqotlarni o‘rganib borish; inson va jamiyat hayotida tarbiyaning tutgan o‘rnini to‘liq idrok etish; fan vositasida o‘quvchilarini tarbiyalash metodlari va texnologiyalarini bilish; fanni o‘qitish bo‘yicha individual pedagogik tajribaga ega bo‘lish.

Shu jihatdan “Tarbiya” fanini o‘qitishda quyidagilarga e’tibor berish va ularni o‘zlashtirish zaruriyat hisoblanadi:

davlat ta’lim standartlari talablari asosida o‘quvchilar tomonidan odob-axloq, bilim, ko‘nikma, malaka va kompetentsiyalarning to‘liq o‘zlashtirilishiga erishish; o‘quvchilarda mustaqil va erkin fikrlashni hamda ularning ijodiy qobiliyatlarini rivojlantirish; o‘quvchilarda ilmiy dunyoqarash va global tafakkur yuritish kompetentligini shakllantirish; umumta’lim fanlarini o‘qitishning printsiplial yangi metodologiyasi asosida tarbiyaning uzviyligi va uzuksizligini ta’minlash.

“Tarbiya” fanini o‘qitishda 5-6-sinflarning dars jarayonidagi faolligini oshirishda ularni jamoaviy ishlashga, fikr almashishga undaydigan interfaol usullardan samarali foydalanish mazkur fanning sifat va samaradorligini oshiradi.

Tarbiya darsini vijdon, insof, rostgo‘ylik kabi muhim tushunchalarni anglatishdan boshlash kerak. 6-sinf o‘quvchilari uchun rostgo‘ylik haqida bilib olish muhim hayotiy ko‘nikma bo‘ladi. Vijdonan yashash, halol va rostgo‘y bo‘lishi inson uchun nihoyatda muhim.

1-dars. Vijdonan yashash (2 soatga mo‘ljallangan)

Mashg‘ulotdan ko‘zlangan maqsad:

rostgo‘y bo‘lish nimani anglatishini tushuntirish;
boshqalarga nisbatan halol va rostgo‘y bo‘lishni o‘rgatish;
rostgo‘ylik nima uchun kerakligini anglatish.

1-topshiriq. Matnni sinchkovlik bilan o‘qing.

Matn

Siz qiyshiq oynalar mamlakatiga tushib kolganingizni tasavvur qiling. Bu mamlakatda yashovchilar na o‘ziga, na o‘zgalarga rost so‘zlamaydilar. Qiyshiq oynalarda o‘z aksini topgan mamlakat hayoti murakkab, tushunarsiz, muammolarga to‘la. Agar Siz bu o‘lkaga tushib qolsangiz, na o‘zingizni tushunasiz, na boshqalarni, duch kelgan voqealarini ham anglab yeta olmaysiz Xattoki qiyshiq oynalarda o‘zingizni ko‘ra olmaysiz, o‘zligingizni anglay olmaysiz.

Biroq Sizni nafaqat bu mamlakatdagi hayotingizni, balki xaqiqiy hayotingizni o‘zgartira oladigan bir insoniy xislat bor. Bu rostgo‘ylik. Agarda inson har doim rost gapirsa, uning hayoti oson va yengil, sodda bo‘ladi. O‘z-o‘zini aldashga, soxta bo‘lishga xarakat qilib, kuchlarni ketkazish kerak bo‘lmaydi. Aslida nima bo‘layotganini faqatgina rostgo‘ylik ochib beradi, voqelikdagи hayotni ko‘rsatib beradi.

Rostgo‘ylik – asosiy insoniy xislatlardan biri bo‘lib, boshqa insonlar bilan muloqotda bo‘lganda rostgo‘y, samimiyl, halol bo‘lishni, boshqalarni aladamaslilikni, o‘zligini yuqotmaslikni, o‘g‘irlikni inkor etish, soxta bo‘lmaslik, va‘dalarni berib bajarishda ishonchli bo‘lish demakdir.

Rostgo‘y odam o‘z xato va aybini tan oladi, nohaq bo‘lsa o‘zini oqlamaydi, boshqalarni qanday mezonlar bilan baholasa, o‘zini ham shunday baholaydi. Bunday odam har qanday holatda ham xaqiqatdan voz kechmaydi, o‘z nuqtai nazari va munosabatini to‘g‘ridan-to‘g‘ri aytadi, o‘g‘irlik qa fribgarlik qilmaydi, ahloq meyyorlariga rioya qiladi, qonunlarni buzmaydi.

O‘zgalar va o‘z oldida rostgo‘y bo‘lishdagi sifatlarni jadvalga yozing.

O‘z oldida rostgo‘y bo‘lish	O‘zgalar oldida rostgo‘y bo‘lish

O‘z oldida rostgo‘y bo‘lib, boshqalar bilan yolg‘onchi bo‘lish mumkinmi? Yoki, aksincha, o‘zgalar bilan rostgo‘y bo‘lib o‘z oldida yolg‘onchi bo‘lish mumkinmi? Fikringizni aytинг.

Siz uchun qay biri muhimroq: o‘zi oldidami yoki o‘zgalar oldida?

Vaziyat 1: Said hovlida do‘satlari bilan o‘ynardi. O‘yin qiziqarli va hayajonli edi. Vaqt tez o‘tib ketdi, kech kirdi. Said onasining ovozini eshitdi, onasi uni uygacha qaqirayotgan edi. Said darhol koptokni qo‘ydi-da, kurtka va sumkasini olib uygacha chopib ketmoqchi ediyam-ki, uni Akmal to‘xtadi:

- Qaerga? Ketma, biz hali o‘yinni tugatmadik-ku! Bizning jamoamiz yutay deyapti-ku!
- Men ketishim kerak. Onamlarga chaqirishingiz bilanoq kelaman deb va’da bermanman.
- Ketma, qol, o‘yinni tugataylik. Keyin oyingga chaqirganingizni eshitmadim dersan?! – deb taklif qildi Sardor.
- Ammo men eshitdim, siz ham eshitdingiz, – deb javob berdi Said.
- Lekin oying eshitganingni bilmaydilar-ku!
- Ha, sen xaqsan, ular bilmaydilar, ammo men bilaman-ku, dedi qat’iyatlik bilan Said va uygacha yugurib ketdi.

Rostgo‘ylik nima?

Said kimga nisbatan rostgo‘ylik qildi: o‘zi yoki o‘zgalarga nisbatanmi? Javobingizni asoslab bering. Rostgo‘ylik so‘ziga ma’nodoshi va zid ma’nolilarni yozing.

Ma’nodoshlarZid ma’nolilar

Rostgo‘ylik tushunchasi bilan yonma-yon vijdon tushunchasi turadi. Vijdon har birimizda bor. Vijdanni ichki to‘sinq bilan solishtirish mumkin, biz noto‘g‘ri vaadolatsiz xarakat qilmoqchi bo‘lganimizdabizga vijdon tusqinlik qiladi. U go‘yoki bizni yomon xarakatlardan ogohlantiruvchi va ahloqiy xamda ma’naviy qadr-qimmatlarga rivoja qilib yashashga undovchi ichki ovozdir. Vijdon – bu bizning qudratli yo‘lboshchimiz, u bizga qaysi tarafga yurishimiz lozimligini va to‘g‘ri yoki noto‘g‘ri yurayotganimizni ko‘rsatadigan sifatimizdir.

Vijdanan yashagan odam o‘ziga foydasini rostgo‘ylik bilan harakat qiladi. “Vijdonom qiyalyapti”, “vijdon azobi” degan iboralar hammamizga tanish. Bu – yolg‘on gapirganimiz, soxta bo‘lganimiz, noto‘g‘ri, nojo‘ya xarakatlarimiz natijasida paydo bo‘lgan ichki bezovtalik, aybdordik hissi. Ba’zida bunday holat shu qadar kuchli bo‘ladi-ki, inson tinch yashay olmaydi, o‘qiy olmaydi, ishlay olmaydi. Vijdonomiz o‘tgan ishlarga emas, kelajakda qiladigan ishlarimizni baholab berishi lozim, ya’ni bizni achnishimizga emas, balki noto‘g‘ri harakatni bajarishimizning oldini olishi, ogohlantirishi, ezgulikka yo‘naltirishi kerak.

“Fanorchi ota”

Tor, qiyshiq ko‘chaning o‘ksik oqshomini Tursunqul akaning churuk daivozasi tepasiga o‘tqizilgan bir fanorning titrak nurlarigina yoritar edi. Uni har kun kechqurun past bo‘yli, burushiq yuzli bir chol kelib, yoqib ketar edi. Biz uni «Fanorchi ota», der edik. U juda yuvvosh, indamas kishiydi, kichkina narvonchasini chaqqon qo‘yib, allaqanday ustalik bilan chiqar, qo‘ltig‘idan kir ro‘molchasini olib, avaylab fanor oynalarini artardi. Fanorni yoqqach, yerga tushib, obkashdek bukilgan yelkasiga narvonchasini qo‘yib birpasda ko‘zdan yo‘qolar edi.

Fanor qurilgan vaqlarda butun mahalla quvonib, unga allaqanday mehr ila qaragan bo‘lsalar-da, vaqat bu mehr uzoqqa cho‘zilmagandi. Keyincha har kim unga parvosiz bo‘la boshladi. Ayniqla, mahalla bolalari ila fanor orasida anglashilmas dushmanlik uyg‘ondi. To‘planishib, avvalo bir-birimizning do‘ppimizni otishar, fanorga do‘ppi kiygizgan o‘rtoq menganligi ila kerilar edi. Keyincha bu ham bizni zeriktira boshladi. chunki piston qadalgan yoki har turli ipaklar bilan bezalgan do‘ppini kiyib olib, fanor chirolyi bir tus olar, bizni xafa qilgandek bo‘lar edi. Shuning uchun qo‘limizga tosh, kesak olib, fanorga hujum qilishni o‘rgandik. Bunda u juda kuchsiz edi: kichkina bir kesak yoki tosh parchasi bechora fanorning oyna ko‘zlarini o‘pirib tushirardi. Keyin-keyin Fanorchi ota haftada uch-to‘rt marta unga «yangi ko‘zoynak» taqib ketishga majbur bo‘lardi. U ketdi, darrov biz yangi «ko‘z»ini o‘yib olardik. Shunday bo‘lsa-da, Fanorchi ota «Lom» deb og‘iz ochmasdi. Uning bu qiliq‘i bizga sira yoqmas, tutib olish uchun poylasa, hatto birontamizni tutib ursa ekan, der edik. Ammo shu tilaklardan bittasi ham yuzaga chiqmasdi. Bir kun, namozshom vaqt, ko‘chada bolalar ko‘p edi. Ichimizda eng ko‘p qo‘rqmaydigan, eng battol Qosim cho‘loq:

«Bolalar!» — dedi. Changga botgan yuzlarimiz yangi bir narsa kutib, uning ko‘zlariga tikildik. — Fanorchi ota keladigan vaqt yaqin. Sindiramiz. Nima qilar ekan? — dedi-da, qo‘lga ilinadigan bir narsa qidira bosh ladi.

Qo‘llarimizdan g‘izillab uchgan tosh-kesaklar fanorning hamma ko‘zlarini teshib o‘tgan edi. Uzoqdan Fanorchi otaning bukilgan kichkina qomati yaqinlasha boshladi. Narvoncha yelkadan tushib, ta‘zim ila

devorga suyandi. Fanorchi ota uning ustiga chiqdi-da, «chirt» etib, gugurtni yoqdi: fanor to‘rt tarafdan qulagan uy kabi ajava tusda, yana bir tomonga qiyshayib turar edi. Biz hammamiz kerilib turar edik. Ba’zilar «piq-piq» kulishdi. Chol kasal odamga o‘xshab, sekin-sekin pastga tushdi. o‘sinq qoshlari tagida qisilib yotgan ko‘zlar ila hammamizga yalingansimon qaradi-da, mayin bir tovush bilan:

— Tentak bolalarim, bu qanday gap? Fanorga tegmasanglar, bir narsa bo‘ladimi? U yuqorida, sizlar pastda o‘ynay beringlar-da. Bolalar jim bo‘lgan edi.

— Sizlar hali yosh, ko‘zlarining o‘tkir. Qorong‘i ham, yorug‘ ham baravar. Xufton bo‘lmasdan onalarining quchog‘ida pish-pish uxbab qolasiz hammangiz. Bizga o‘xshash qari-qartanglar uchun chirog‘ judayam kerak, — dedi.

Bolalarning ko‘zi cholda edi.

— Tunov kuni kechasi qattiq yomg‘ir yog‘ib turgan edi. Bu yoqqa kelsam, ko‘cha qop-qorong‘u. Fanorning teshik oynasi dan shamol kirib o‘chirib qo‘yan. Ana u ariqning bo‘yiga bor ganimda bir nima suvni shapillatardi. Yopiray, nima ekan, deb fanorchamni ariqqa tutsam, mendan ham qari bir kishi ariq dan chiqolmay yotgan ekan. Darrov qo‘lidan tortdim, bir amallab chetga chiqardim, hamma yog‘i loy, jiq-jiq suv. Bolalardan biri:

— Voy, boyaqish, soqoliyam, yuziyam loymi?

— Hamma yog‘i loy bo‘lgan... Keyin yetaklab uyiga eltilib qo‘ydim, — dedi chol. Mening ko‘zimga Fanorchi otaning degani shunday ko‘rinib kelgandi, Qosim cho‘loq: — Yolg‘on-yolg‘on! — deb baqirdi. Bolalar birdan:

— Rost! — deb javob qaytarishdi.

— Kim endi sindirsa, shuni tutib beramiz otamga, — dedi Ahmad.

Fanorchi ota:

— Ha, barakalla, endi sindirmaysizlarmi? — dedi.

— Yo‘q-yo‘q,—javob berdik biz shu zamон. Kichkina narvonini yana yelkasiga ilib, chol qorong‘ilikka kirib yo‘qoldi. Shundan beri, haqiqatan, fanorga hech shikast tegmadi. Hozir shu fanorning o‘rnida sim to‘r bilan o‘ralgan tuxumdan kattaroq elektr lampochkasi yonib turadi. Uning uchun na yoquvchi, na gugurt, na moy kerak. Hech bir bola tegajaklik qilib tosh ham otmaydi. Uning yorug‘ida yurganda yoshligimning bir parchasini va Fanorchi otanigina xotirlayman. (Oybek)

Zero, mazkur fan imkoniyatlari o‘quvchida uning uchun umri davomida har daqiqa zarur bo‘ladigan axloqiy sifatlarni rivojlantirishga sharoit yaratib berishi lozim. Xulosa o‘rnida shuni aytish mumkinki, “Tarbiya” fani orqali o‘quvchini ma’naviy jihatdan yetuk shaxsga aylantirish mumkin. Umuman, o‘qituvchi tarbiya darsida o‘quvchini komil inson sifatida farovon yashashi uchun zarur bo‘ladigan eng muhim sifatlarni bosqichma-bosqich o‘rgatib borishi tavsiya etilad Mazkur maqlolada vijdon, rostgo‘ylik va insof kabi tushunchalargagina tavsiylandi. Keyingi tadqiqotlarda havas, hasad, muvaffaqiyat, mag‘lubiyatdan chiqish kabi muhim tushunchalar haqida ilmiy izlanishlar olib boriladi.

Foydalanimgan adabiyotlar:

Mirziyoev Sh. Erkin va farovon demokratik O‘zbekiston davlatini birligida barpo etamiz. –T.: O‘zbekiston, 2016. –14-b.

M.Quronov, Y.Risyukova, O.Tigay, O.Usmanova, S.Xafizov 5-sinf Tarbiya darsligi. T.G.Gulom nomidagi nashriyot matbaa uyi. T. 2020 yil. 105 bet.

M.Quronov, Y.Risyukova, O.Tigay, O.Usmanova, S.Xafizov 6-sinf Tarbiya darsligi. T.G.Gulom nomidagi nashriyot matbaa uyi. T. 2020 yil. 108 bet.

4. Pirnazarova A. Tarbiya fanini o‘qitishda yangi pedagogik texnologiyalarni qo‘llash va unda ta’lim va tarbiyaning uzviyiligi: tarbiya fanini o‘qitishda didaktik o‘yinlar//Yangi O‘zbekiston talabalari axborotnomasi 2022. 77-78b.

5. Sapayev V. Tarbiya fanini o‘qitishning ayrim dolzarb masalalari// Oriental Renaissance: Innovative, educational, natural and social sciences (E)ISSN:2181-1784 www.oriens.uz SJIF 2023 = 6.131 / ASI Factor = 1.7 3(8), August, 2023

6.M.E.Axmedova Pedagogika Darslik.T. Tibbiyat matbaa nashriyot uyi 2022 y. 207 b.

7.Qodirov B. Komil inson tarbiyasining pedagogik asoslari.

–T.: Mehnat, 2001. -195 b.

8.Quronov M. Maktab ma’naviyati va milliy tarbiya. –T.: Fan, 1995. -118 b.